

特 告

公啓者。現據會計員報稱。均益會長尙未交齊。故擬改期三月第一星期始行開抽。如未交會員者。請于二月內交妥爲要。如不願交者。亦請函知社長。由別社員補入。除專函外。特再登佈。

社長謹白

社 聞

●二月初三日例會情形 本月初三日爲本社例會期。并開抽均益會日。是日到者。朱典五、陳草澤、蒲贊武、潘仲遠、何少海、關晃墀各君。是日提議二條。(一)會計員尤堅操來函。謂店事繁冗。請准辭去會計員職任。如何請衆議。(二)衆謂社員到者無多。應歸初十日特別會提議。(一)均益會現屆開抽。惟各物均未辦妥。如何展限之處。請衆議。(二)何君少海謂現會計員。既因店事繁冗。致辭會計職任。故各物均未辦妥。應一并歸入初十特別會提議。衆遂贊成。餘無別議。隨即閉會而散。

●二月初十日特別會議情形 二月初十乃本社特別會議期。同人是日到者仍屬寥寥。計到會者有何君貫俠、潘君貞廉、徐君季直、吳君景山、梁君威如、吳君楚葵、關君晃墀、朱君典五、蔡君公服、黃君星曹、何君少海、俞君愷、劉君卓天、徐君焯南。是日提議共二條。一議會計員尤君堅操。以店事忙迫。百務羈身。本社會計一職。萬維兼理。故函請同人另舉賢能接充。應否之處。請議決。(衆議尤君既爲同人所票舉。應請勉力担任。一議社書副編輯。自朱君告退以後無人接充。應舉何人接充之處。請議決。(衆議關君晃墀。既稱謝君鈞彞能任斯職。應由社長致函敦請竭力担任。)一議現據會計員尤君報稱本社所理之均益會。已交者雖不乏人。而未交者。尙有二十餘份。昨年決議以一百份爲一會。分開甲乙類推。今甲

會尙未收足。而遽然開會。殊屬凌亂。應否定一期限。由社長函催未交會銀者。着即明白。如無力交者。則由別社員補入。應否之函請衆議。(衆議定三月第一星期開抽。未交會銀者。由社長專函限日交到。)楊君敏達獻議一條。(一)議本社現經濟未裕。會所常費。恐難永久支持。現有友人辦一土布庄。弟已力勸與本社租地下。并留一地位爲會文軒之用。他可每月出銀五元。如會文軒不要地用。則可出六元。可否暫租與他。以補本社經費之不足。如何請衆議。(衆議此地爲立案注意之點。現既未經批出。暫作罷論。)

●預交基本金七誌 預交基本金。爲同人特別之熱心。本年林君偉泉已首爲之倡。其維特本社。注重籌款。實爲我同人所當敬愛者也。茲又有陳君鑄魂。預將二三四五期基本金。一次交足。本社會計妥收發回完全社員收條矣。如陳君者。洵熱心矣哉。

●入社三十五誌 茲盧君貫西。介紹何君國禎。(別字幹儒。順德良村人。寓順德古樓。昆和絲偈。)入社。又陳君鑄魂。介紹岑君應藻。(別字石衡。年廿六歲。南海曹邊鄉人。寓佛山普君墟南約。廣聚糖米號。郵寄全。)入社。又介紹譚君國良。(別字伯恒。年廿四歲。順德甘竹人。寓佛山普君墟林棧生油號。郵寄全。)入社。又關君晃輝。介紹射君鼎銓。(別字均葵。年卅五歲。寓油欄門隆昌行內天泰恒天津庄。郵寄全。)入社。又徐君鏡波。介紹黎君綿康。(別字陔生。年四十二歲。南海江心鄉人。寓省三元坊。郵寄十三行同順號。)入社。均經調查清楚。社長認可。已照章先交第一期基本金矣。

●入社候查 茲社員陳君鑄魂。擬介紹聶君壽棉。(別字樹楠。年四十二歲。新會人。寓佛山富文里朱有蘭烟絲號。)又擬介紹勞君根。(別字挺枚。年四十一歲。南海佛山人。寓陳村新墟晉興銀號。)入社。均經社長發調查員調查矣。合并登佈。

●認捐籌立社址者二十誌 茲徐君季直。岑君衡石。各認捐銀一元。譚君伯恒認捐銀五

毫云。

按徐岑譚三君乃是年新列社員者。便能如是輕財。其熱度甚堪嘉尚。足深崇拜。若全人盡如三君。則本社之自行建築可繼日而成。不至月耗十餘元之租項矣。未捐者。豈獨讓人專美耶。

●已交籌立社址款項二十誌 徐君季直。岑君衡石。譚君伯恒。經將所認捐款已妥交會計矣。

●已交均益會金者六誌 盧君拔茹。黃君星曹。吳君洽浦。蒲君礎伯。蒲君贊武。各已將認定會份于去歲杪清交矣。緣因漏登。特再補錄。玆是年又有何君少豪蔡君公服（已蔡君者慨然捐出）尤君堅操梁君英生（二君原認二份先交一份）各已將會銀妥交矣。未交者請即早交以便開投可也。

●預交本社經費初誌 玆潘君翹鳳。黃君星曹已將認定本年月捐社址經費。預交會計矣。

●已交去年書費二十三誌 蔡君福三。胡君德聰。陳君煖初。徐君焯南。何君少豪。已將去年認定書費。于昨歲底清交會計矣。緣因漏登。特再補錄。如未清交去年書費者。請早日妥交。以維社款可也。

●已交二期基本金十八誌 蔡君福三。已將昨年應交之二期基本金。于去歲清交矣。玆再補錄。

●已交三期基本金初誌 玆盧君君典。已將三期基本金妥交會計矣。

●袒認月捐本社經費三誌 本社新遷會所。經費浩大。叠經專函特告。函請同人認捐。以資維持。深感同人。熱心社事。踴躍捐輸。接踵而來。由此觀之。吾社發達。可日而待也。此

後無論同人認捐書費。及認捐社址經費。總題其名曰。担認月捐本社經費。無容多立名目。以便易於參攷。前經認定者。已兩誌前書。恕不再錄。茲又有陳君桂村。認月捐經費銀一元。甘君長甫。認月捐銀五毫。盧君偉民。認月捐銀三毫。簡君葉生認月捐銀二毫。鄧君苑香共認月捐五毛黃君星曹。加認月捐銀二毫半。盧君慶蕃。楊君子江各加認月捐銀二毫。盧君貫西。加認月捐銀一毫。陳錫如李君表俞君愷儔鄧殿香各君。各三毫。蒲君贊武三毫半。蒲君礎伯楊君子江。各二毫。陳君暖初三毫五。朱君雲台加認二毫。翟君達權三毫。李君植庭盧君君典陳君鑄魂呂君福田各認月捐二毫。餘外未認之同人。諒亦能踴躍也。如各君者。洵熱心矣哉。按陳君桂村。自去年由潘君貞廉介紹入社以來。對於本社。每事輸將。爭先恐後。深堪崇拜。而陳君對於去年書費。與今之社址經費先後。可稱巨擘。首屈一指。誠吾社現目中最爽快之人。而各君亦能相繼并起認捐。尤深欽仰也。

●已交相片三十一誌 茲盧君貫西。吳君煥乾。吳君楚葵。各已將相片交懸會所矣。未交相片之同人。暨新入社諸君。各祈早交以壯會所觀瞻可也。

●社款收入放出瑣誌 去年所得之基本金。及舊存社款。概陸續托尤君堅操梁君英生放與晒地生息。經於歲底一律收回。社款之能安放而獲厚利者。皆尤梁二君之力也。

●捐閱報紙再誌 蔡君公復正月捐送國事羊城報各一份。已誌前書。欲以週知社外事。及本社在外間之耳目。首爲之倡。今再捐送兩報各一月。以爲同人有力量之勸。啓發知識之助云。

●社員易址佈聞 吳君洽浦。向寓佛福祿里。同順號。今春改寓佛山太平沙金蘭橋信源

米店。又陳君禮甫。經舊歲北上。現寓北京東單牌樓麻線胡同外務部梁府轉交便安。又鄧君玉衡。自去歲東旋。未有西上。其郵寄處。則改交打銅街甄俊林筆店轉交云。同人如

有通函。按照地址寄去。並將同人錄更正可也。

●輪船撞沉同人貨船之交涉。前月十九夜同人潘君貞廉。與同事僱船載柴來省發售。傍岸前行。且抵省河之綏靖砲台海面。時有由上海來粵之輪船。名泰山者。隨後直發。竟將該船向尾撞沉。溺斃船戶一口。全貨漂流一空。所值約二千條元。潘君現已到省。住于本社會所。並將情形辦法與同人研究。與該輪船主人交涉。聞該輪船係英國的覓洋行代理。現本社同人約同通英語友人與潘君往該行開談判。已願賠償千金。惟潘君以該數太低仍未願了。特投詞自治會。并通稟各憲云。

(肅海按)近日每遇洋人交涉之事。若倚之官力。無不折折受虧。大而兼地侵權。小而貨財民命。無不予奪予携。如前佛山輪船命案。全恃民氣。可為殷鑒。今潘君柴船。顯係被泰山洋輪撞沉。理無可逃。若該輪為本國商人。或柴船為洋人所運。則此次故應賠償損失外。而償卹人命尙不知其數幾何。乃潘君不幸。所遇者為洋商。所處者為中國民。故理雖正當。而辦法殊形棘手。若非仍以民氣干涉之。則雖恃官力無濟也。嗟我同胞。何不幸生處二十世紀之中國。而受人以欺以凌。然亦吾同胞之責也。使吾同胞真能知團體之足恃。則又何至是耶。蒙不禁于此事而有望于我同人。

●社員熱心公益之可嘉。同人陳君桂村。好行其得。見義勇為。凡屬地方公益。靡不慷慨提倡。故素得彼都人士所信仰。茲就最近調查所得者。特為表彰焉。陳君向在梧州三角嘴。業柴平碼行。而角嘴與梧州隔一衣帶水(撫河)前臨西江。沿途并無一石。倘值雨後。異常泥濘。行旅苦之。惟附近商業。除柴平碼而外。均細小經營。居民則貧乏者實占多數。每興一利。其籌款殊難。陳君觀此情形。有碍交通。心焉憂之。爰捐數百金為築石之倡。從此

羊腸曲徑。悉變康莊。陳君之力也。旋以地方創舉僕僕長途。而捐款有不敷之嘆。陳君復墊出數百金。方始告成。今日之過其域者。猶口碑載道云。又梧州數年來。地方頗稱安謐。惟角嘴一隅。自入新正。荏苒遍起。鷄犬不靖。擄劫頻聞。幾無寧夕。乃地方有司。既捕之不力。更藉口籌款維艱焉。陳君深知官場之未足倚賴也。於是倡辦民團。以衛商賈。復捐出款項。購置軍械。聞自開辦以來。大有月明無犬吠花村之概云。如陳君者。誠輕財好義。勇於公益者矣。

●藤縣調查員已請林君担任矣。廣西藤縣太平墟。商業素稱繁盛。本社同人商于斯埠者已達五人。自應由社長派一調查。以符定章。茲社長已派定林君偉泉為該處調查矣。

●籌辦兩粵商報之現象。兩粵商報。自去年發出招股簡章。大為兩粵人士所樂認。已數誌前書。惟截冊之期雖愆。而繳冊者仍屬寥寥。蓋緣西省萬山邇迤。交通空礙。不能如期盡繳。現已再函敦促云。

●社書副編輯告假。副編輯黃君清如。月之五日。告假旋鄉。擬月中返省。聞因順屬盜匪猖獗。決意挈眷羊城。免遭驚擾。現已函請同人代其稅屋。未識能如願否耳。

函 件

祝南海觀善九鄉自治研究所開幕詞

維宣統二年。歲次庚戌。二月初三。為南海觀善九鄉自治研究所開幕之辰。敝社幸蒙邀請。得與斯會。既仰 貴社組織之完善。同人之熱心。復喜我國自治前途收効之可望。竊有感焉。夫當此二十世紀。非研究自治不足以圖強。非團體不足以收自治之効。貴社之設。兩者備焉。不禁上一詞以祝曰。偉哉我國。立憲圖強。地方自治。初基孔良。貴社設立。誠

得要綱。實行研究。爲各鄉倡。個人自治。繼及地方。地方自治。舉國之光。貴社之設。聲名堂堂。猗歟休哉。播及萬方。

朱雲台上同人書

同志諸君視綫。日前上書。諒達 尊鑒。今春正月大會。辱承過愛。推舉爲社書副編輯。復被選爲書記員。自愧鹿鹿庸才。魚魚末學。何敢庸此重託。具見 諸君愛鄙人之深。念鄙人之至。本當竭其鶩貽以冀報 諸君於萬一。奈何痲疾未除。時感湯藥。纏綿已有數月。元氣未免太虧。必須節勞處靜。冀易復元。此外尙有不得已之愚衷。決有兩端。似此實難擔任。經將此理由佈告於 諸君。已見之於四十五期社書。請將副編輯及書記員兩職力懇辭退。俾得安心靜養。雖知放棄社員之義務。固屬罪無可逃。乃蒙 諸君大加體諒。格外 鑒原。已照章第十七條與其辭退。俾資調養等因。更足見 諸君愛人以德之心。可謂至矣盡矣。至於副編輯及書記員兩職。關係重要。於廿五日會議。再行另舉接充。當衆提議。鄙人曾舉關君冕堉任副編輯。關君以事多經理而辭。書記一員。舉鄺君拔民。吳君煥乾。二君請簡一人以自代。惟鄺君時常旋鄉。吳君職司掌櫃固以不果。而同人中堪當斯選者本大不乏人。或因遠隔關山。不能擔任者有之。間或在省者。有因公務紛繁。不暇擔任者亦有之。是時頗難其選。仍荷 諸君不棄鄙陋。再舉鄙人勉任書記員一職。至若副編輯一員。不得不偏勞 諸君荷任。然自問文學荒蕪。書法潦艸。實已自形慚穢。且以藐躬諸多窒礙。否能常到會所。於書記職務。恐難勝任。但繩以社章。勉以大義。不敢告勞。且再却之誠恐不恭。惟有勉盡責任。以助 諸君之一二而已。伏願時惠 德音。匡予不逮。幸毋金玉爾音。以致重增放棄之愆。則是鄙人之幸。社之幸。抑亦同人之幸也。臨書

不勝懇切仰望之至。謹佈區區。主臣主臣。肅此并頌 團安餘冀 垂鑒不宣

書記員朱秉勛頓首

蒲礎伯上同志書

同志諸君足下。結社聯羣。研究商業。吾人亦已知之。故本社社員日增月廣。良可慰也。然雖可慰。亦有可慮。夫天下興亡。匹夫有責。一社優劣。社員寧無責乎。願與 諸君念茲在茲。則同心同德。以收協羣之效。互相觀摩。以獲研究商業之益。誠如是也。雖則社員衆多。社事日繁。其奈我羣力充足何。可慰孰甚。不然。彼則曰。一社之衆。多我何濟焉。袖手旁觀可也。此則曰。一社之衆。多我何濟焉。袖手旁觀可也。彼此效尤。甘自放棄。嗚呼。夫人對於國家。則國家奚賴有若人乎。夫人對於社會。則社會奚賴有若人乎。可慮孰甚。可慰可慮。責望諸君。諸君乎。諸君乎。其有動于中否乎。鄙人不得而知也。雖然。鄙人自入社以來。亦愧無裨社事。然則不知慮此。而反教人爲耶。鄙人自知不免也。惟鄙人有動于中。有觸即發。而今而後。相與砥礪者何。諸君散處四方。天涯地角。惡從而砥礪也。其惟社書乎。社書爲一社耳目。砥礪之效在此收。諸君多展見聞。庶有彜乎。客歲忝 諸君委鄙人爲撰述。今歲亦然。竊思鄙人學淺才庸。不敢膺撰述之職。客歲業已函辭。殆繩以社章。責以社員一份子。遂辭不獲命。明知有忝厥職。謬承 諸君過愛。祇有勉力而已。第望 諸君多教我乎。幸甚幸甚。永天謹上。

何熙林上同人研究存案書

列位同魂鈞鑒敬啓者現閱黃君與何君研究本社立案一則各具至理似未盡善不付冒昧再加評論以資研究諸君諒亦不我遺棄也愚 按黃君說第一款爲地方謀公益三句。方合立

案資格。乃屬普通成例。有此資格實質。立案方能如操左券。請勿輕試爲荷。本社非如商會自治會等社會之由朝廷催逼而爲者比。球按大言之各語。本社雖有此志。究未有此成積也。即有之。亦是個人一方面之所爲。究非出全體社名所做。至云宗旨雖正大。而程度確未足也。將來雖無慮。目下已深慮矣。第二款。罕有句一連七句。道盡目下弊混。名實不稱矣。吾願由茲而往。力爲改良可也。球按多數贊成二句。難以爲例。此宜斟酌。試問贊成之人。祇知立案與否之利弊。求其知能立案與否之原因。吾意必少其人。非經視本社也。因社員多屬商界。平日不及研究於法律之故。即有之。或當下不及覺。當提議此事時。亦未聞將立案之成例宣佈。此又難怪人之不及覺也。時弟亦不在場。及去秋大會。弟欲補伸其說。爲呂勤武以既議妥之事無容再議一語阻之。乃止。後又函舉其說於正社長。亦不見登報。遂永於不再言耳。至所謂同人提倡。部案有名。試問是否有商業研究社之名乎。吾意必係三五社員之名耳。提倡。是否將社名提倡乎。吾亦意其出三五社員之名提倡耳。此一部分之與全體者。公私已判然矣。至云斷無索閱社書之理句。吾不知該委員是否係本社員做乎。何以有權而決之。○第三節。未聞干預一語。然亦未可決其必無。蓋世態變幻無常。朝政變更無定。此亦不可不妨。若云我宗旨正則無妨。此說亦不盡然。萬一千預到之時。殊費一番能力矣。○球按一恐碍警章三句。又欠完通。夫警章之碍否。不在立案與否。能知守警法。雖不立案亦不碍。若不知守警法。即立案亦碍。今警法變通無論矣。若不變通。二十人以上集議。必須赴警官核准。方能開議。就舉此一項而論。雖立案而不守此等警法。亦屬碍警章。能守此等法律。不立案亦無碍警章。但今憲政未大行。警察未普及。此法亦變通。未有舉行。姑證之以爲後防可也。如提倡及固人心二句。仍同前弊。若辦之妥善。即未立案。而人自踴躍。人心亦固。如不妥否。一味偏執。各懷私見。(此

語設然而論非指實有其事。不顧大局。即立案亦無以折服於人也。○第四節各語。比例似屬未的。蓋彼之得風氣之先。與本社得風氣之後者。已自有別。餘不及論矣。球按恐將來萬一混入各語更奇。蓋人格之美惡。由介紹者之認真否。與及眼眈之慧肉所至耳。於立案何干。豈立案後而歹人遂不敢入我社乎。且聲明在案始。縱有歹人混入。官豈遂不追究株連乎。誠如是言。其之作奸犯科者。何不聲明在前曰。我決不爲歹人也。可知官之株連追究與否。在實質不在浮文也。於立案何干。至云補救。有人事者自易。無人事者自難矣。○第五節。何有需其捍衛句。我國民數百年來。大都如是。豈獨今日爲然乎。嗚呼。球按本社與會館不同一節。確鑿不磨。○第六款。若不邀准一節。的當不易之言論。縱能力圖妥善以補救之。亦難如其初之美也。球按存案刻不容緩數句。未免強詞奪理。天下事名譽易失而難得。當大名垂宇宙。人皆和之。縱有過失。多爲其掩之。及名落村山之後。人不特詆毀之。甚且將天下之惡皆歸焉。此勢所必然。理所固然者。本社若一被批斥。社名大壞。即盡其能力。當恐不能補救。此時即欲因噎廢食。而亦有所不能也。以愚見及之。立案係必須之要點。但資格未合。而延緩亦爲主義之方計。諺云。寧耽延莫耽錯。於本社立案問題。誠爲中肯之語矣。惟望諸公極力組織立案之資格實職焉可也。弟本無材。自試不售。祇爲人作嫁。純盜虛聲。自十八歲兼讀律書。採訪成案。二年已畢其業。大旨頗詳。及新政頒行。隨時參巧。大畧頗知。及弱冠而投筆從軍。遞年就鄭軍門及督署縣房商務局各商會西席以來。舉凡軍民商三界之案情。一手辦妥者。以千百計。然逾章妄試。其不失敗者倖矣。今本社立案。試問能合資格否也。君不見去秋某君。之請立籌辦海軍經費會乎。制君則批以社會成立已多。可由諸社會妥籌善策。獻議核奪。無容另立社會各等語。然此會本屬燃眉要需。亦屬國事之要點。尙難邀准。况本社幼稚。名譽未張。非創向來

未有之先聲。不過人云亦云之舉動。縱能邀准者。亦僥倖于萬一者耳。其可將全社之名譽。而輕于一試乎。若一不批准。局外者必謂社內百餘人。素稱知識之士。竟無一見及此而阻其輕試者。是大局個人。均受影響。此一舉而榮辱如此其重。吾竊爲不取焉。姑公諸同人。以資研究。何熙林獻醜。

會計員告辭書

協羣商業研究社諸君偉鑒。今春大會。謬蒙諸君錯愛。舉鄙人爲現屆會計員。聞命之下。不勝愧歎。正以鄙人無才無德。曷勝擔任。第以社章所纏。故欲勉強當之。爭奈接任以來。賤務紛繁。且敝號之司櫃。今歲轉往別號。以致所有銀兩數目。多歸鄙人兼理。似此百務羈身。幾於應接不暇。對於會計一職。實難兼顧。若仍強任。定必貽誤本社前途。茲持繕函。瀝陳。仰諸君另舉賢能接任。則本社之發達。實有賴焉。使鄙人退居社員之列。苟有暇隙。亦未嘗不可以効力於社事也。祈諒之。

肅此並頌 公安 尤伯剛頓首上書

社說

讀呂君襄武四十五期至要至急至難問題有感 陳鑄魂

嗟乎。歐風東漸。亞陸圖強。開會立社之聲浪。震動耳鼓。而勃然興。惛然懈。寂然沈者。亦所在多有。此何故哉。揆厥原因。雖極複雜。而要以厄於經濟之問題者。爲居多數。無他。蓋經費無自然之收益。徒取於強制之收入。泉竭則流涸。根朽則葉枯。理勢使然也。本社今日之現象。供給少而需求多。正坐此弊耳。以蒙之學植謏陋。乏因時應變之才。上獻諸君。正如井甃夏蟲。何足以語冰海。而熱心如呂君。長願遠

慮。林於來日之大難。其能已於言乎。而妄其所言。亦我同人所欲言而未達者也。縱觀大旨。難責望於慨助。易取償於勻攤。二者均非自然之收益也。呂君不云乎。以之治標。則或效。以之壽社。則俟他求也。可謂統籌全局。計算靡遺已。復何能贊一詞也。然吾思之。吾重思之。勻攤雖易。所入有數。慨助雖難。所得無量。兩者並行。或易收效。以百十同人之衆。而謂盡無力焉。何敢蔑視也。而謂盡有力焉。亦未敢過信也。而甯無二三資本家之熱心者。慨助加於一元二元之上。或進而倍蓰焉。或進而什百焉。以再爲之倡。不落他會社之後也。然竟寂然無聞者。其故曷在。或者曰。蓋有二大原因。今之慨助巨欸於會社者。爲名譽也。爲權利也。本社以平等爲主義。無名譽之表彰。以義務當責任。無權利之享受。其所以觀望不前者。其在斯乎。其在斯乎。不然。何以百什同人之衆。當本社危急存亡之秋。竟無二三資本家之熱心者。慨助巨欸以爲之倡。使本社不落他會社之後也。噫其然。豈其然乎。執是說以繩本社。其淺視本社而薄待同人也。多矣。何也。本社重人格。尙團體。以公德爲榮名。以切磋爲利益。此本社之宗旨。爲同人所公認也。誠如呂君所言。小之成自治之功。大之得立國之道。所以遲而有待者。蓋墉基不可以一日成。威名不可以一朝立。苟同人於此。各盡其熱誠。堅持以毅力。以一人之小己。爲本社之本位。則本社生活之前途。興實業。謀公益。正未可量。何患乎名譽之不表彰。權利之不享受也。則悞會前說之不免於觀望者。可以廢然返矣。或爲慨助。或就勻攤。務於本社操一分心。盡一分力。如有一得片長。可爲本社籌款者。復勉爲獻議。將關利源以資後勁。謀積聚以挽漏卮。胥於百什同人是賴焉。語云。百足之蟲。死而不僵。扶之者衆也。嗚呼。我最親愛最希望之同人。其對此果發表如何之感情乎。請恕小子之多言。勉圖本社之幸。

蒙爲本社一分子。曾無絲毫之助。而爲責備之詞。責諸己者輕。求諸人者重。是非君子之道歟。然社章許以言論之權。迺不暇反躬。遽爾開罪同人。東萊先生云。責我者愛我者也。譽我者寬我者也。蒙於此亦願受責云耳。

鑄魂并識

本社亟宜切實協羣研究

赤 若

天下之患。莫甚于有其名而無其實。名實一淆。宗旨斯背。小言之。個人不能謀生存。大言之。國家不能圖自立。個人如是。國家如是。即社會亦何嘗不如是。今夫羊城之西。長壽街之內。龍旗高懸。佈置堂皇。非我協羣商業研究社乎。曰協羣。宜固結團體。曰研究。宜實力改良。曰協羣商業研究。更宜興實業而挽利權。名稱甚高尚矣。實際果何如乎。余不敢得罪于各同人。余亦同人一分子。然試思自入社以來。獲協羣研究之利益者幾何哉。觀乎正月大會。不到者尙六十餘人。大會且不到。遑論協羣。更遑論研究。同人乎。我最敬最愛之同人乎。如非本社社員則已。既爲本社社員。而不能收協羣研究之利益。可乎哉。書至此。不能不爲本社前途哭。雖然。利益未收。思想素具。謂本社現未收協羣研究之利益則可。謂本社終不能收協羣研究之利益則不可。謂本社無協羣研究之思想。更萬萬不可。何則。讀前期社書。何君少海獻議實行例會。演說一條。不禁躍然而起曰。必如是而後可言協羣。必如是而後可言研究。書至此。不能不轉而爲本社前途賀。

(未完)

嗚呼本社之前途

黃清如

立國於五大洲中。無恒產以護民。無工藝以教民。其不隨波蘭猶太之後乎。曰。未也。設塾於三家村內。無學徒以從師。無館穀以養師。其不爲屢樓海市之幻乎。曰。未

也。吾社亦何獨不然。無經濟以輔社。無實業以助社。其不如華屋山邱之境乎。想亦憂憂其難也。噫。數載苦心經營。一旦垂手失敗。同人乎。同人乎。其有急起直追。大聲疾呼。爲本社請命。解此燃眉噬臍之厄否乎。抑遷地爲良乎。鄰人諷刺之。將爲社捐款乎。同人疲倦之。否任社傾塌乎。外界恥笑之。嗟乎。駕一葉扁舟。撐持於旋渦駭浪中。顛簸弗定。旁觀者猶斬與慈航寶筏偕登覺岸。任令客與中流。隨波逐靡。吾恐載胥及溺。片帆無存。悔何及焉。本社之危。得毋類是。然則今日丁諸恐怖時代。大有岌岌不可終日之勢。惟冀同人。毋爲旁觀袖手。置若罔聞。危持顛扶。箇人有責。緣艱始既難。斯支持匪易。蓋規模愈廣。則經費愈繁。竊願我所最敬。最愛。最密切關繫之。同志諸君。各宜情殷臂助。義解腰纏。方見效可收於十全。功莫虧於一簣。將觀衆擎易舉。盡爭投榆莢之錢。協力維持。大有造桑梓之福。人羣鑄世。撐鐵血之熱誠。社會張威。角環球而獨立。免令如荼如火美奐美輪之社基。倏爲烟銷雲散。電光泡影之景像也可。然而勸捐之策。層出靡窮。已入社者勉爲擔當。未入社者視若畏途。則欲擴張之。反形退縮矣。可懼哉。然急則治其標。不得已之舉也。當亦同人所諒也。第全恃捐款。彌補經費。恐未易垂諸久遠。莫若組織實業。相輔而行。惟窘於經濟。則巧婦難爲無米之炊。似宜招股辦。集腋成裘。及至款項既裕。租借本社開設樓上仍爲同人會議之區。則本社既分此重累。可省却經費。一俟籌有的款。足敷常年度支者。遂將捐助社款一層。逐漸減除。如此未入社者。觀其廉節。定當聯袂偕來。本社前途。庶有豸乎。然舉辦實業何項爲宜。前到會時。有論及此蔡君公復謂宜辦一米店。意謂社員亦須食米。弟細思之。似不謂然。緣社員居省雖多。奈遠近不同。碍難一律採買。若一布號。則財力有所未逮。且人地又非合宜。不如舉辦一紙店。

似爲長策。因資本無多。籌畫較易且在省社員既可購買。各埠同志。亦得付函取求。誠一舉而兩備焉。倘蒙諸君贊成。可否舉行招股辦法。（如前梧州同志創辦報館招股宗旨）未審高明以鄙愚見爲有一得否。惟圖設紙號。盈缺亦難預料。普願同志。倘有營辦某業。較爲穩固。自當各抒卓見。毋安緘默。俾收集思廣益。由衆決議。實行開辦。既可牢固社址。又可漸蠲社款。想同人亦靡不樂從也。惟現當經濟困難之秋。不得不先請同人。已認書費者。加認社款。未認社書兩費者。祈踴躍捐認。（注意每月月捐四毫左右便足敷支多則更佳）先治其標。徐培其本。似於實事上方有根據也。想關心社事者。諒不以鄙言爲河漢。一髮千鈞。胥賴是矣。同人勉旃。本社幸甚。圖謀生計。則心乎學業。重以便營商務。期占優勝。否或奇人籬下。舉止弗能自由。其或無事業者。方且因失業而心不安。有不置社事于度外。未之有也。是故本社求才非難。求才而使其才能出而任事爲難。馴至今日。人才躋躋。而猶有才難之歎。亦可惜哉。所謂人才缺乏之原因如是。所謂可懼者又如是。烏乎。人才缺乏。固可懼矣。而有重于人才。要于人才。急于人才。云經濟困難。更爲大可懼也。昨年之協羣社。不過社書出版。及租致祥之費用耳。今者常駐會所之管理需費。常駐會所之雜役需費。而租會所又增費。今之視昔。費用至三倍有奇。財力稍有不逮。會所勢必停租。會所而至于停租。書社無難繼以停版。辦事者復因而灰其心。社事尙堪問耶。外界之激刺談。勿謂人言無當也。有心人能勿大可畏懼乎。

雖然。本社現象誠懼矣。同人如不以爲懼。則鄙人更添懼。同人而盡以爲可懼。則所謂懼者。又豈真懼哉。好謀勝之而已。同人皆常存社事于腦內于心中。何足懼。同人如可抽一分之暇。則盡一分之義務。何足懼。同人慷慨而多認捐款。何足懼。同人竭

力以爲本社歸歎。何足懼。同人也。須知本社新歲之足懼可也。鄙人不能與諸君常圖社事。半途而歸故鄉。自知罪矣。然對此新歲。親一己及本社之現象。而有所感。遂將社事之可懼者。疾呼而告諸同人。以盡撰述責于萬一。同人其細思之。(完)

雜 著

楊肇文初演白話敬告同志

鄙人幸得楊君敏達介紹入社。又蒙 諸君不嫌鄙陋。今日得與諸君合大羣力。研究商業之利弊。想他日商場發達。工藝振興。爲一國富強計。鄙人歡喜萬分。時常想同埋諸君得閒就去社研究。不知鄙人唔自量。家貧謀食。寄身於香港。點樣同得埋諸君去社研究呢。於是想吓。想到本社社書。(就走去學人拈張信紙執起一枝筆。想話將自己嘍愚見。登載社書。使大眾知到嘅。不料鄙人年小失學。執筆望字。都唔知將邊一句先落筆好喇。個陣時又試拈起個部社書嚟睇吓。想學人樣。偷人文章。勉強寫。不知拙嘅便拙。成日都唔寫得一個字出嚟。總之眼定定頭擰擰亦有法子好想呢。是以將自己嘍愚論照白行文。敬告 同志諸君。鄙人今日拈白話作文。實污諸君之珠璣文墨。但見本社義務所關責任甚重。雖污諸君文字。亦料諸君原諒。於是大聲叫曰。吾社同人日有加增。何以社書一事。除職員之名登載外。而同人發言嘅咁小呢。未必同人中個個盡是鐵石心腸。絕無聞見。呢句說話。鄙人信得佢過唔係。但係商場重地誰論詩酒之文。且得閒時候無多。故此發言登載社書內嘅少啞。喂。諸君。須知到本社個名義。開口第一兩個字就話協羣。如果唔合得埋大眾之力。商業個層點樣研究得呢。之話大眾齊心協力。同人必要勿論文墨個層。個個都將自己嘍言論。姑勿論好與醜。時常宣講。時常登書。俾大眾研究。由淺入深。使羣力雄厚。個嘍係協羣之起點喇。至若咁閒嘅事都做唔嚟。縱使本社辦一件。最閒最小嘅事亦都辦唔到啞。故此鄙人今日先以白話登書。使同人亦知白話可以行文發論。免負本社義務起見。諸君如果不嫌文白下日再講。宜家陣正月工夫。各伙記好多返鄉。毋也得閒日子。請各請各。